




ԳՐԻԳՈՐԻՍ ԵՊԻՍԿՈՊՈՍ ԲՈՒՆԻԱԹՅԱՆ

ՔԱՐՈՋ

«Յանուն Հօր և Որդոյ և Հոգւոյն Սրբոյ, ամէն»:

«Այլ ինձ քաւ լիցի պարծել, բայց միայն ի խաչն Տեառն մերոյ Յիսուսի Քրիստոսի» (Գաղ. 2 14):

Այսօրվա սուրբ գրական ընթերցվածից վերցված մի խոսք է առ, սիրելի հավատացյալներ, որ Պողոս առաքյալն է ասել, որպէս քրիստոնէա արտահայտելու համար իր անձնական կեցվածքը հավատքի և մարդկային վերաբերմունքների նկատմամբ, ինչպէս նաև տալու համար բոլոր քրիստոնէա հավատացյալներին մի ուղեցույց՝ այդ կերպ արտահայտելու իրենց հավատքը և ապրելու իրենց քրիստոնէայի արժանի կյանքով: Եվ այս գաղափարը որքան գեղեցիկ է հնչում այսօր՝ խաչվերացի այս մեծ տոնի օրը:

Խաչի տոնին հավատացյալների համար մեկ անգամ ևս ընդգծվում է խաչի գաղափարը, նրա նշանակությունը, նրա դերը և տեղը քրիստոնէա եկեղեցու մեջ և հավատացյալի կյանքում: Խաչի հիմնական նշանակությունը ըմբռնելու և հասկանալու համար, սիրելի հավատացյալներ, պետք է ընթերցենք Ավետարանը, ծանոթանանք Քրիստոսի կյանքին: Աստվածային նախախնամությամբ տնօրինված էր, որ Աստուծոյ միակ Որ-

դին՝ Հիսուս Քրիստոս՝ աշխարհի փրկիչը, գար, մարդկանց հետ բնակվեր՝ նրանց սովորեցնելու ճշմարիտ ապրելու կերպը և եղանակը և, ի վերջո, Իր արյունը թափելու՝ մարդկության փրկության համար: Հիսուս, լինելով Աստուծոյ Որդի և Աստված, Իր կյանքը պտհաբերեց հավատացյալների և մարդկանց փրկության համար. խաչափայտի վրա խաչվեց: Խաչով մահապատիժը Հռոմեական կայսրության մեջ մահապատիժ ընդունված ձևերից մեկն էր. ամենաահաւարակ դատարգի մարդկանց մահապատիժ ենթարկելու միջոցն էր այն: Այնվականները, պինվորականները, մեծափառուստները, իմաստունները եթե հանցանք գործեին, այլ մահապատիժ ձևեր էին կիրառվում նրանց նկատմամբ:

Այսպիսով Քրիստոս Իր համեստությամբ, Իր խոնարհությամբ անձնական օրինակ տրվեց, որով մի տեսակ նաև հրավեր և պատգամ կարդաց մեզ՝ Իր հետևորդներին՝ քրիստոնէա հավատացյալներին, կյանքի բոլոր երևութների առջև ու նկատմամբ լինելու խոնարհ ու համեստ, նաև պտհաբերվել ըսկրպունքների համար, հավատամքի համար ճիշտ Իր օրինակով, ինչպէս որ Ինքը Իր քարոզած ճշմարտություններին հավատարիմ մնալով՝ Իր կյանքը պտհաբերեց: Քրիստո-

նեական Եկեղեցին իր պատմության առաջին իսկ օրից խաչի մեջ բազմաթիվ իմաստներ է խտացրել և տևապես քարոզել, որպեսզի այդ գաղափարները խաչի ձևով փորձերը ջանան իրագործել իրենց կյանքի մեջ, որպեսզի նկատվեն իսկապես ճշմարիտ քրիստոնյա: Մեր Եկեղեցին ևս միշտ կարեւոր նշանակություն է ընծայել խաչի իմաստին և նրա խորհուրդին: Խաչը հայ հավատացյալի համար առաջին հերթին իր հավատքի վրա հաստատ մնալու իրողություն է, ապա հավատարմություն իր ըմբռնած ճշմարտություններին, իր Եկեղեցուն, իր հավատամքին: Ի վերջո, սիրելի հավատացյալներ, հայ հավատացյալի համար գերագույն պոհաբերության, պոհողության նշանակություն ունի խաչը իր իմաստով: Խտացնելով այս բոլորը ի մի, իբրև հավատացյալ տեսնելով խաչի մեջ խոնարհության, համեստության, անձնագոհության և այլ տեսակ մարդկային առաքինությունների խտացումը, մենք, իբրև ներկա ժամանակների մեջ ապրող հավատացյալներ, պարտավոր ենք, պետք է հետևենք նույն օրինակին՝ Քրիստոսի կյանքի օրինակին, մեր նախահայրերի օրինակին, հավատարիմ մնալ մեր հայրերի հավատքին և ավանդություններին: Խաչը եթե մենք ըմբռնում ենք իբրև խոնարհության նշան, դա չի նշանակում, որ կյանքի մեջ կրավորականության ենք հրավիրում: Ո՛չ երբեք: Քրիստոնյան իր խոնարհությամբ, համեստությամբ, առաքինություններով շատ ավելի ուժեղ կեցվածք կարող է գուցաբերել կյանքի որևէ երևույթի նկատմամբ, լուծում պահանջել: Գիտեք, որ Քրիստոս խոնարհ է, համեստ, մարդասեր: Բայց ամեն անգամ, երբ հարկ է լինում վճռական լինել, Նա ամենավճռականն է, ամենաքաջ և արի կեցվածքն է որդեգրում և ամենաճիշտ պատասխան է տալիս ու դիրք ձևում այս կամ այն հարցի նկատմամբ:

Ինչպես ամեն տեղ, թե՛ Հայաստանում և

թե՛ Սփյուռքում, հայ հավատացյալ ժողովուրդը հավատարիմ է խաչի ճշմարտություններին, դրա համար պարավոր է մեր Եկեղեցին: Ես գալիս եմ հեռու տեղից և ուզում եմ բերել այդ վկայությունը: Չեմ քույրերն ու եղբայրները՝ հայեր, ապրում են Սփյուռքի պանական երկրների մեջ, ինչպես նաև Արգենտինայում, որտեղից ես գալիս եմ պատգամավորների հետ միասին՝ մասնակցելու համար մեր Վեհափառ Հայրապետի՝ Ս. Տ. Վալդեն Ա կաթողիկոսի գահակալության տարեդարձի տոնակատարությանը: Բերում եմ ահա վկայությունը, սիրելի Հայաստանի ժողովուրդ, որ ձեր եղբայրներն ու քույրերը հեռավոր Արգենտինայում հավատարիմ են խաչի նշանակությանը, խաչի խորհրդին, հավատում են խաչի պոռությանը, Հայրենիքի հորդառատ ուժին և այդ հեռավոր երկրում բարձր են պահում մեր ժողովրդի պատիվը, ապրելով իբրև արժանավալ քրիստոնյաներ և հայեր: Չեմ հայրենակիցները հրճվում են, խմանալով, որ ծաղկալ է հայոց վերածնված Մայր Հայրենիքը, Հայ Եկեղեցին, կանգուն է Հայ Եկեղեցու կենտրոնը՝ մեր Սրբապնասուրբ Էջմիածինը: Ուրեմն, թող այսօրվա սրբապան այս տոնը մեկ նոր ներշնչումներ պարգևի՝ մնալու համար հավատարիմ մեր անցյալին, մեր սրբություններին, մեր Հայաստանի արդի նվաճումներին, մեր երապանքներին, դրանք կենսագործելու կյանքում: Ջանանք մեր աշխատանքի բաժինը բերել աշխարհը հուզող հարցերի լուծման ճիգերին, ի մասնավորի աշխարհի խաղաղության ի խնդիր:

Թող Աստված առատապես մեր վրա տարածի Սուրբ խաչի պոռությունը՝ ստանալու համար այդ պոռությունից նոր շնորհներ, նոր ներշնչանքներ, կարողանալ ապրելու մեր կյանքը իբրև քրիստոնյաներ և հայեր, բայց նախ՝ հավատացյալներ: Թող Աստված օրհնի ձեզ՝ և ձեզ շնորհի Իր պարգևները, ալիմ և հավիտյանս հավիտենից, ամեն:

